

## Ukiumi Tuhaktitait

*Hinaanit aninaktuliit kimilguugutait Kugluktumi ovalo Ausuitumi, Nunavut.*

Hamani hanayakhat pinahuaktut kimilguulutik ovalo kungialugit aalangugutait hinaat ilangani ovalo iluani Kugluktuk ovalo Ausuituq, ilaulugit hinaat nungutigutait, hikut nunat ataanit mahaktigutait ovalo kuvuyut kuugyuat. Hamna hanayakhat malguni piniaktut: 1) kauyimaliklugit hinaat nungutigutait ovalo hikut nunat ataanit nungutigutait ovalo 2) tuniyaanganik ayoikhaitjutikhainik nunakatigiinut. Havaktivut havaniaktut kitkanit July 7mit–22mut ovalo September 23mit–30mut Kugluktumi ovalo kitkanit August 2mit–September 5mut, 2023. Ausuituqmi, havaktivut kilamik nutkaktihimayut, nani havakatinga tukuhimangmat kitkani-August, nani havaktavut nutkaktihimayut.

Kimilguuktivut Ilauyut ukiumi 2023:

- David Didier (Université du Québec à Rimouski)
- Stéphanie Coulombe (Polar Knowledge Canada)
- Samuel Binette (Université du Québec à Rimouski)
- Charles Jourdain-Bonneau (Université du Québec à Rimouski)
- Samuel Laroche (Université du Québec à Rimouski)
- Émile Bujold (Université du Québec à Rimouski)
- Jérémy Baudry (Université du Québec à Rimouski)
- Béatrice Noël (Université du Québec à Rimouski)
- Charlotte Stancu (Université du Québec à Rimouski)
- Terry Noah (Asuittuq Adventures)
- Richard Akana (Kugluktuk HTO)
- Liam Mulgrew (Kugluktuk HTO)

### Nunami havaktait auyami 2023

Kimilguuktivut ovalo Kungiaktivut havakhimayait tahapkonani aipaangait nunami havakhimayait (2021 ovalo 2022).

- Tingmitjutikut kimilguukhimayugut nunami Julymi, Augustmilu ovalo October naluhuiyakhugit hinaat aalangugutait kitkanit ukiut.
- Pihimayugut piksanik piksaliutimit atukhugit auyami 2021 hinaanit. Kingulimi auyak, ilihimayugut pingahunik piksaliutinik malguni nunainut hanianit Kugluktup Kuugaat ovalo atuhik hinaanit Kugluktumi. Hapkoa piksaliutit naunaiyaktihimayut atugutainik kanuk nungutikpaktut hinaanga Kuugyuami ovalo Hinaanut.
- Ilihimayugut amigaivyaktunik hanalgutinik Imani naunaiyagiaganik imait ovalo maliit auyami. Hapkoa hanalgutit pihimayut iniktigutainit Septembermi hikutinagu.
- Katitikhimayut nunauyamit unakutait katitikhugit kungiakvianit ilihimayut kitkanit 2017mit 2021mut kungiakhimayait hikut nunat ataanit. Auyami 2023, pingahut kimilguukviit ilihimayut Kugluktukmi.

#### Naitumik kitkaniitut kimilguukhimayut nanihimayait

Tingmitjutikut kimilguukhimayut, kungmuutikut piksaliukhutik ovalo kungmuani piksat, naunaiyakhimayut hinaat aalangugutainik kitkanit 1952mit 2023mut. Kugluktukmi, kimilguuktavut takupkaiiyut hinaat aalangugutait aalatkiitut hinaanit, kitkaniitut aviktukhimayut aalangugutait naunaiyautainut -0.2 m/ukiumi. Avataanit malguni ukiut, takuyut ilangani ovalo kimilguukvianit angiligutainik nungutigutit anginikhaamutp 3.14 m/ukiumi (2021-22) ovalo 2.04 m/ukiumi (2022-23). Paknaiyakhimayut piniaktut kungiakvianit havaktakhait auyami 2024. Ausuitumi, Nanihimayut iluanit hinaat nuutitihimayut hanianut 14 m ukiumi.

#### Nunalaat katimakatigihimayait ovalo Hanayakhait Iniktigutait

Julyymi, katimakatigihimayavut Marissa Mercurio (Hanatiligiyyit Havakti) Hamletkuni Kugluktumi ovalo Amanda Dumond (HTO) tuhaktivlugit hanahimayaptinit ovalo hivuliit nanihimayait nungutigutainit hanianit nunaat ovalo "Kikiktait". Kugluktumi, hivuliit hanayakhait inikhimayut 2023mi ovalo kinguliit tuhaktitait tunihimayut Hamletkunut Kugluktumi ovalo CIRNAC. Aprilmi 2024, utikhimayugut nunalaamut tunivlugit kitkaniitut kimilguukhimayut nanihimayait katimakatigivlugit havakviit (hamletkut, HTOkut, GNkut Munagiyiit Nunalaat ovalo Kavamaligiyyiit Ikayuktiit) ovalo nunakatigiit (anamaumayut katimayut). Havakatigiyavut tunihimayut malguunik inikhimayainit hanayakhaini aipaanut Nunakyuami Katimakyuaktut Hikut Nunat Ataanit, katimaniaktut Whitehorsemi (Junemi 2024).